



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Արտվան, Կոտայքի փողոց 8 շենք

Հեռ. (+374 222) 2-01-63

Էլ. հասցե՝ kotayq@court.am

N ԴԴ-23 Ե-

ԿԴ/12672/02/22

04.04.2024թ.

Հայցվոր՝ Էրիկ Արթուրի Խաչատուրյանին

Կոտայքի մարզ, ք. Չարենցավան, 6 թաղ., 13 շ., 31 բն.

Պատասխանողներ՝ Գարիկ Հենրիխի Չոբանյանին

Կոտայքի մարզ, ք. Հրազդան, Միկրոշ. թաղ., 9 շ., 12 բն.

Ուղարկվում է ՀՀ Կոտայքի մարզի առաջին աստիճանի ընդհանուր իրավասության դատարանի
թիվ ԿԴ/12672/02/22 քաղաքացիական գործով 04.04.2024թ. կայացրած «Ապացուցման
պարտականությունը բաշխելու վերաբերյալ» որոշումը:

ԴԱՏԱՎՈՐԻ ՕԳՆԱԿԱՆ

Ա.ՄԿՐՏՉՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

Ապացուցման պարտականությունը բաշխելու վերաբերյալ

04.04.2024թ.

ք. Աբովյան

Հայաստանի Հանրապետության Կոտայքի մարզի առաջին ատյանի ընդհանուր իրավասության դատարանը, նախագահությամբ՝ դատավոր Ն.Թորոսյանի, քարտուղարությամբ՝ Թ.Պետրոսյանի, մասնակցությամբ՝ հայցվոր Է.Խաչատուրյանի, դռնբաց դատական նիստում քննության առնելով թիվ ԿԴ/12672/02/22 քաղաքացիական գործը

Պ Ա Ր Զ Ե Ց Ի

Էրիկ Արթուրի Խաչատուրյանը (այսուհետ՝ հայցվոր) 25.10.2022 թվականին հայցադիմում է ներկայացրել Հայաստանի Հանրապետության Կոտայքի մարզի առաջին ատյանի ընդհանուր իրավասության դատարան (այսուհետ նաև՝ Դատարան) ընդդեմ Գարիկ Հենրիխի Չոբանյանի (այսուհետ՝ պատասխանող)՝ վնասի հատուցման պահանջի վերաբերյալ:

Հայցադիմումը 25.10.2022 թվականին մակագրվել է դատավոր Ա. Օհանյանին:

Դատավոր Ա. Օհանյանը 04.11.2022 թվականին կայացրել է հայցադիմումը վարույթ ընդունելու մասին որոշում:

Դատավոր Ա. Օհանյանը 04.11.2022 թվականին կայացրել է հայցի ապահովում կիրառելու վերաբերյալ որոշում, որով հայցագնի՝ 3000000 ՀՀ դրամի չափով արգելանք է դրվել պատասխանող Գարիկ Հենրիխի Չոբանյանին սեփականության իրավունքով պատկանող գույքի վրա:

Դատավոր Ա. Օհանյանի՝ այլ դատարան տեղափոխվելու կապակցությամբ քաղաքացիական գործը 07.12.2022 թվականին վերամակագրվել է դատավոր Ա. Դունամայանին:

Դատավոր Ա. Սիսակյանը 21.12.2022 թվականին կայացրել է հայցադիմումը վարույթ ընդունելու մասին որոշում:

Դատավոր Ա. Դունամայանը 20.01.2023 թվականին կայացրել է նախնական դատական նիստ նշանակելու մասին որոշում:

Բարձրագույն դատական խորհրդի 03.04.2023 թվականի թիվ ԲԴԽ-39-Ո-134 որոշմամբ դատավոր Ա.Դունամայանի գործուղման վերջնաժամկետը Հայաստանի Հանրապետության Կոտայքի մարզի առաջին ատյանի ընդհանուր իրավասության դատարան սահմանվել է մինչև 29.09.2023 թվականը, որի ավարտով պայմանավորված սույն քաղաքացիական գործը 04.10.2023 թվականին վերամակագրվել է դատավոր Ն.Թորոսյանին:

Քաղաքացիական գործը դատավորի աշխատակազմին է հանձնվել է 12.10.2023 թվականին:

Դատարանի 19.10.2023 թվականի որոշմամբ քաղաքացիական գործն ընդունվել է վարույթ և նշանակվել է նախնական դատական նիստ:

04.04.2024թ. նշանակված նախնական դատական նիստի ընթացքում գործի արդյունավետ քննությունն ապահովելու նպատակով դատարանը իրականացնելով ՀՀ քաղաքացիական դատավարության 167-րդ հոդվածով սահմանված դատավարական գործողությունները նույն օրենսգրքի 169-րդ հոդվածով սահմանված կարգով անդրադարձել է ապացուցման բեռի պարտականության բաշխմանը:

ՀՀ քաղաքացիական դատավարության օրենսգրքի 169-րդ հոդվածի 6-րդ մասի համաձայն՝ եթե գործին մասնակցող անձը կամ նրա ներկայացուցիչը չի ներկայացել դատական նիստին, ապա դատարանն ապացուցման պարտականությունը բաշխելու կամ այն փոփոխելու մասին որոշումը կայացնելուց հետո՝ երեք օրվա ընթացքում, ուղարկում է գործին մասնակցող անձանց:

Ելնելով վերոգրյալից և ղեկավարվելով ՀՀ քաղաքացիական դատավարության 167-րդ, 168-րդ, 169-րդ և 188-րդ հոդվածներով, դատարանը

ՈՐՈՇԵՑԻ

Ապացուցում պահանջող փաստերի շրջանակը (ապացուցման առարկան) և կողմերի միջև ապացուցման պարտականությունը բաշխել հետևյալ կերպ.

Հայցվոր կողմը պետք է ապացուցի՝

-պատճառված վնասի հետևանքով հատուցման ենթակա գումարի չափը

Ապացուցման ենթակա չեն հետևյալ փաստերը, որոնք հաստատվել են թիվ ԿԴ/0149/01/21 քրեական գործով 28.09.2022 թվականին հրապարակված և օրինական ուժի մեջ մտած դատավճռով, այն է՝

- Հայցվորին պատճառված է վնաս.

- վնասը պատճառվել է անօրինական գործունեության կամ անգործության հետևանքով.


- առկա է պատճառական կապ անօրինական գործունեության կամ անգործության և վնասի առաջացման միջև.

-առկա է պատասխանողի մեղքը.

Գործին մասնակցող անձանց կողմից ապացույցներ և դրանք ձեռք բերելուն ուղղված միջնորդություններ ներկայացնելու ժամկետը սահմանվում է մինչև 23.04.2024 թվականը ներառյալ:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Ն.ԹՈՐՈՍՅԱՆ